

សេចក្តីណែនាំ

AWIG-AWIG

ក្របខណ្ឌគ្រប់គ្រងសេចក្តីណែនាំ

DESA PEKRAMAN PELILIT



ភ្នាក់ងារសេចក្តីណែនាំ
KECAMATAN NUSA PENIDA,
ភ្នាក់ងារសេចក្តីណែនាំ
KABUPATEN KLUNGKUNG

DAGING

AWIG-AWIG DESA PAKRAMAN PELILIT

MURDHA CITTA	
PRATAMAS SARGAH : ARAN LAN WAWIDANGAN DESA	1
DWITYAS SARGAH : PATITIS LAN PAMIKUKUH	1
TRITIAS SARGAH : SUKERTA TATA PAKRAMAN	2
Palet 1 Indik Warga lan Krama Desa	2
Palet 2 Indik Prajuru Desa	5
Palet 3 Indik Kulkul	8
Palet 4 Indik Sangkepan lan Paruman	9
Palet 5 Indik Druwen Desa	11
Palet 6 Indik Sukerta Pamitegep	12
Kaping 1 Indik Karang lan Tegal	12
Kaping 2 Indik Kakayonan	14
Kaping 3 Indik Wawangunan	14
Kaping 4 Indik Wawalungan	15
Kaping 5 Indik Bhaya lan Dusta	17
Kaping 6 Indik Pangunyan Krama	18
CATURTHAS SARGAH : SUKERTA TATA AGAMA	19
Palet 1 Indik Dewa Yadnya	19
Palet 2 Indik Resi Yadnya	23
Palet 3 Indik Pitra Yadnya	23
Palet 4 Indik Manusa Yadnya	28
Palet 5 Indik Buta Yadnya	29
PANCAMAS SARGAH : SUKERTA TATA PAWONGAN	30
Palet 1 Indik Pawiwahan	30
Palet 2 Indik Nyapihan	33
Palet 3 Indik Sentana	37
Palet 4 Indik Warsan	39
SADTHAS SARGAH : WICARA LAN PAMIDANDA	41
Palet 1 Indik Wicara	41
Palet 2 Indik Pamidanda	42
SAPTAMAS SARGAH : NGUWAH-NGUWUHIN AWIG-AWIG	43
ASTAMAS SARGAH : SAMAPTA	44

Murdha Citta

Om Swastyastu namo siddham.

Malarapan saking panghyangning Ida Sanghyang Widhi Wasa asung nugraha ngawentenang kahuripan sakala niskala ring bhuwana agung lan bhuwana alit. Manu dresta desane pinaka pasayuban krama desa rawuhing kulawarga pawongannia Desane kasinanggeh bhuwana agung, pawongannia soang-soang padewekan bhuwana alit.

Sotaning bhuwana agung, desane sinanggeh bhawa mahurip jangkep saha Tri Hita Karanannia lwire:

- ha. Parhyangan, sahananing kahyangan panyiwian desa genah ngarcana Ida Hyang Parama Wisesa maka jiwana desane.
- na. Pawongan, sakatahing krama lan warga desa padewekan bhayu pramana mawinan desane sidha molah maprawerti.
- ca. Palemahan, tanah kakuwuban desa sinanggeh pinaka sthula sariran desane.

Adung patemoning bhuwana agung lan bhuwana alit, maka larapan ngulati santha jagadhita, sinanggeh murddhaning prayojana pangriptaning awig-awig ring paseban krama desa, pinaka sepat siku-siku pamanut pamargin desa pakraman.

Wastu prasidha pangaptin titiang sami, angidep mwan amagehaken kadilinging awig-awig puniki

Om Santih Santih Santih Om

**PRATHAMAS SARGAH
ARAN LAN WAWIDANGAN DESA**

Pawos 1

- (1) Desa pakraman puniki mawasta Desa Pakraman Pelilit.
- (2) Jebar kakuwub wawidangannia mawates nyatur sakadi ring sor:
 - ha. Sisi Kangin : Bukit Atuh
 - na. Sisi Kelod : Tukad Tuuh
 - ca. Sisi Kauh : Panyahit sareng Desa Adat Tanglad mwang Desa Adat Pajukutan
 - ra. Sisi Kaler : Tukad Jungkahan
- (3) Desa Pakraman Pelilit kawangun antuk gebogan krama sane wenten ring Desa Pakraman Pelilit wyadin mawiwit saking Desa Pakraman Pelilit.

**DWITISYAS SARGAH
PATITIS LAN PAMIKUKUH**

Pawos 2

Desa Pakraman Pelilit ngamanggen ng pamikukuh makadi:

- ha. Pancasila,
- na. Undang-undang Dasar 1945;
- ca. Tri Hita Karana manut sadacara Agama Hindu.

Pawos 3

Patitis Desa Pakraman Pelilit, sekadi ring sor

- ha. Mikukuhang mwang ngarajegang Sanghyang Agama,
- na. Nginggilang tata prawertuning magama,
- ca. Ngarajegang kasukerthan desa saha pawongannia sakala lan niskala.

TRITYAS SARGAH
SUKERTHA TATA PAKRAMAN

Palet 1

Indik Warga lan Krama Desa

Pawos 4

- (1) Sane kabawos Warga Desa Pakraman Pelilit, inggih punika sapa-sira ugi sane jumenek ring wawidangan Desa Pakraman Pelilit jantos langkung ring 40 rahina.
- (2) Sane kabawos Krama Desa Pakraman Pelilit, inggih punika warga desa sane magama Hindu, sampun wyadin naben alaki rabi, tur satimat ring daging Awig awig lan pararem Desa Pakraman Pelilit, yadiastun magenah ring dura desa.
- (3) Krama Desa Pakraman Pelilit kapalih uthawi kabhinayang sakadi ring sor:
 - ha. Krama Ngarep, tegesipun krama desa sane kantun jangkep alaki rabi ta jumenek magenah ring wawengkon Desa Pakraman Pelilit,
 - na. Krama Pangele, tegesipun krama balu miwah krama sapihan lanat utawi istri,
 - ca. Krama Kaputungan, tegesipun krama sane campur tan madrebe sentata maka penyeledihinnia;
 - ra. Krama Tapukan, tegesipun krama balu lanang sane madrebe oka istri sampun deha, utawi balu istri sane madrebe oka lanang sentata teyung.
 - ka. Krama Ngumbara, tegesipun krama Desa Pakraman Pelilit sane magenah utawi ametik ring dura desa.
- (4) Sajaba sane kabawos ring awig (1) lan (3) kocaping ajeng kabawos tamiu sane pangrawuhnia manut maselaras sawang-sawang.
- (5) Manut agamannia, tamiu kabhinayang sakadi ring sor:
 - ha. Tamiu sane magama Hindu,

na. Tamiu sane magama siyosan.

Pawos 5

Swadharmaning krama desa patut keni ayah-ayah sakadi ring sor:

- ha. Krama ngarep ngamargiang ayah-ayah krama ngarep;
- na. Krama Pangele ngamargiang ayah-ayah krama pangele sadurung okannyan wenten sane munggah deha utawi teruna;
- ca. Krama Kaputungan, Krama Tapukan mwan Krama Ngumbara Desa swadharmanian kamanggehang manut pararem.

Pawos 6

(1) Mungging tategenan Krama Desa Pakraman Pelilit, kamanggehang sakadi ring sor:

- ha. Krama Ngarep keni ayah-ayah, peson-peson mwan urunan mamungkul;
- na. Krama Pangele keni ayah-ayah, peson-peson lan urunan satenga saking krama ngarep;
- ca. Krama Kaputungan, Tapukan miwah Krama Ngumbara Desa, tategenannian kamanggehang manut pararem.

(2) Prade ring Desa Pakraman wenten pakaryan utawi yadnya sane abot, desa wenang nyarad ayah-ayah miwah dana punia saking sakatah krama miwah warga desa manut kabuatan.

(3) Sapasira ugi tan tinut ring kecap ring ajeng, wenang keni pamidanda manut pararem.

Pawos 7

- (1) Swadharmaning tamyu patut nmutin tata sukerta lan kasutreptian Desa Pakraman Pelilit;
- (2) Risampune 40 rahina, tamyu ring Desa Pakraman Pelilit kapidabdabin sakadi ring sor:
 - ha. Tamyu sane magama Hindu siyosan ring sasudian Desa wyadin sasudian Guru Wisesa, patut katedunang makrama desa;
 - na. Tamyu sane magama siyosan patut nawur jinah pasukadukaan manut pararem;
 - ca. Tamyu sasudian Desa utawi sasudian Guru Wisesa patut nawur dana punia rikala wenten karya utawi prodalan ring kahyangan tiga.

Pawos 8

- (1) Krama sane wenang polih laluputan inggih punika:
 - ha. Para pamangku desa;
 - na. Prajuru lan pacalang desa;
 - ca. Krama sane cedangga banget utawi sungkan tahunan.
- (2) Laluputan inucap maunadika sakadi ring sor:
 - ha. Para pamangku luput ayah-ayahan, peson-peson miwah urunan;
 - na. Prajuru lan pacalang polih luput wedal-wedalan raramon kewanten;
 - ca. Krama sane cedangga banget utawi sungkan tahunan polih luput manut pararem;
 - ra. Krama balu luh luput ayanan lanang, krama balu muani luput ayahan istri.

Pawos 9

- (1) Wusan makrama desa patut manut jalaran sakadi ring sor:
 - ha. Seda utawi lampus;
 - na. Kesah ka dura desa saking rahayu, maduluran antuk ilikita saking prajuru;
 - ca. Sampun nyada manut jalarannia;
 - ra. Kawusanang utawi kadaut pipilnia.
- (2) Wusan utawi ngusanang krama, panemayannia padgatakala manut pararem.
- (3) Sang wusan makrama tan wenang polih pah-pahan druwen desa sakaluirnia.
- (4) Prade sang wusan makrama desa malih mapinunas pacang mawali makrama, patut katrima manut pamargi sakadi ring sor:
 - ha. Yaning wusannia rihin saking rahayu, patut nawur panawub wawangunan manut pararem;
 - na. Yaning wusannia sangkaning tan rahayu, patut keni panawub wawangunan lan pamidanda ular-alir manut pararem, sasampune nunas pangampura sajroning paruman desa.

Palet 2

Praturu Desa

Pawos 10

- (1) Desa Pakraman Pelilit kaenter olih Bendesa Adat, kasanggra olih:
 - ha. Patajuh pinaka wakilnia;
 - na. Panyarikan pinaka juru surat;
 - ca. Patengen pinaka juru raksa;
 - ra. Kasinoman pinaka juru arah

- (2) Gaguat sang patut kasudi dados prajuru, sakadi ring sor:
 - ha. Mawiwit saking Krama Ngarep,
 - na. Jujur tur polos;
 - ca. Maparisolah becik;
 - ra. Uning ngawacen lan nyurat;
 - ka. Uning ring panglokika lan wical sana
- (3) Nyudi lan ngadegang prajuru patut kalaksanayang olih krama sajeroning paruman krama desa.
- (4) Krama sane nembenin polih sasudian tan wenang tulak, yan tulak patut ken pamidanda manut pararem. Nanging yan polih sasudian kaping kalih utaw salanturnia kengin tan sahiring;
- (5) Waneng dados prajuru desa kamanggehang 5 warsa, tur kengin kasudi malih manut kasumanggupannia sowang-sowang.
- (6) Prajuru sane sampun tutug wanengnia 5 warsa, patut nyadokang raga sajeroning sangkepan krama tigang sasih sadurung tutug wanengnia mangda kawentenang sasudian malih.

Pawos 11

- (1) Swadharmaning Bendesa Pakraman luire:
 - ha. Ngenter pamargin Desa Pakraman manut daging awig-awig miwah pararem desa;
 - na. Nuntun tur ngenterang krama ngupadi kasukertan krama manut patitis desa;
 - ca. Mawosin wicaran krama utawi warga desa, saha niwakang pamutus lan pamidanda manut kecaping awig-awig muang pararem desa;
 - ra. Pinaka saksi rikala krama ngawentenang yadnya manut kabuatan utawi pinunas;
 - ka. Pinaka dutan desa Pakraman rikala ngawentenang babawos ring sapisira ugi.

- ka. Kanorayang antuk paruman duaning iwang pamargi.
- (2) Ngararyanang utawi ngentosin prajuru patut kasungkemin antuk paruman krama.

Palet 3

Indik Kukul

Pawos 14

- (1) Kukul sane wenten ring Desa Pakraman Pelilit luire:
- ha. Kukul Desa Pakraman;
 - na. Kukul Banjar;
 - ca. Kukul Pura;
 - ra. Kukul sekaa-sekaa
- (2) Suaraning kukul kasinanggele pinaka suaraning desa utawi sekaa, satmaka atur utawi dedawuhan saking prajuru mantuka ring kramannia sami.
- (3) Tabuh tatepekan kukul muara patut pastika manut tatujon tur manut ring pasubhayan kramannia
- (4) Pamargi sane patut macihna antuk suaran kukul luire:
- ha. Pacang sangkep utawi parum;
 - na. Tedun makarya utawi ngayah;
 - ca. Pacang ngarentebin utawi mapititung rikala wenten warga seda, marangkat utawi yadnya siosan manut kabiasaan;
 - ra. Ngawit utawi ngalebar brata panyepian;
 - ka. Wenten kapancabhaya
- (5) Tabuh tatepekan kukul saha cihnanipun sane kamanggehang ring Desa Pakraman Pelilit sakadi ring sor:
- ha. Tigang tuludan sedeng : cihna tedun ngayah utawi makarya, sangkep utawi parum lan ngawitin brata panyepian;

- na. Limang klentungan sedeng ri kala wengi : cihna wenten warga ngerorod;
- ca. Pitung klentungan sedeng : cihna wenten warga seda.
- ra. Bulus sada panjang : cihna wenten kapancabhaya.
- ka. Negteg utawi nyangsih : cihna wenten pamargin upacara.

Palet 4

Indik Sangkepan lan Paruman

Pawos 15

- (1) Sangkepan Desa kawentenang nyabran ngasasih nemonin rahina Buda Kliwor tan paarah-arrah.
- (2) Sangkepan ring pura-pura desa, sekaa-sekaa kawentenang manut drestanni sowang-sowang.
- (3) Paruman desa kamargiang padgatakala manut kabuatan tur kamanggala antu arah-arrah.
- (4) Paruman prajuru kawentenang sanistannia nyabran 6 sasih apisan.

Pawos 16

- (1) Sane patut kabaosang sajroning sangkepan desa Pakraman luire:
 - ha. Munjuk lungsuring krama muang ayah-ayahan desa;
 - na. Saluir sulur artha brana druen desa;
 - ca. Pamargin sahananing pamutus paruman sadurungnia;
 - ra. Sahanan pamutus wicara sane katiwakang.

- (2) Parindikan kadi kecap ring ajeng patut katampenin, katimbangin saha katiwakiri pamutus antuk sangkepan inucap.
- (3) Sangkepan sekaa-sekaa sane pacang ngardi pamutus, patut matur supeksa ring prajuru desa mangda tan lempas ring patitis desa pakraman.

Pawos 17

- (1) Tata trepti sangkepan utawi paruman sakadi ring sor:
 - ha. Macihna antuk suaran kulkul manut pawos 15;
 - na. Sahananing krama sane pacang nyarengin patut mabusana adat Bali jangkep;
 - ca. Tan kalugra makta saluiring gegawan;
 - ra. Tan kalugra ngawetuang suara ghora utawi biota ring sangkepan, utawi paruman.
- (2) Dudonan pamargin paruman sakadi ring sor:
 - ha. Kamanggala antuk arah-arah muang suaran kulkul;
 - na. Prasida kamargiang risampune katedunin antuk satenga langkung saking pigungan krama sami;
 - ca. Kakawitin antuk pangarcana ring Ida Bhagawan Panyarikan masadana antuk cane, kalanturang antuk macak krama.
- (3) Pamutus babawosan mangda kautsahayang majalaran antuk paras-paros, gilik-saguluk. Prade tan prasida, pawilangan suara sane akehan kasinanggeh pamutus.
- (4) Prade sajeroning paruman pandikan sane kabawosin tan prasida molihang pamutus, prajuru patut nanggehang pandikan punika tur kabawosang malih ring paruman sane pacang rauh.
- (5) Paruman Prajuru matatujon:
 - ha. Ngarincikang sahananing pangrencana sane pacang kamargiang.
 - na. Mawosin wicaran krama sane kasadokang ring prajuru sadurung niwakang panepas majeng ring sang mawicara.

- (6) Pamutus paruman prajuru durung kangkat kamargiang sadurung kasungkemi olih paruman krama, punapi malih sane marupa tategenan krama.

Palet 5

Indik Druwen Desa

Pawos 18

- (1) Sane kamanggehang pinaka druwen desa Pakraman Pelilit:
- ha. Kahyangan desa makadi Pura Puseh, Dalem lan Pura Desa rawuhing piranti piranti sane wenten ring pura inucap
 - na. Tanah tegak pura Kahyangan Desa, tegak Bale Desa miwah telajakannia.
 - ca. Tanah setra lan ruring sane wenten ring wawidangan Desa Pakraman Pelilit.
 - ra. Lelanguan ilen-ilen gong lan sakalurnia sane sampun mungguh ring ilikita.
 - ka. Druwen desa siosan sane kapikolihang salanturnia.
- (2) Sahananing druwen desa patut mangda kaungguhang ring ilikita sane pastika, tu kasiarang nyabran sangkepan krama.
- (3) Sahananing krama patut sareng nulingayang sakancan druwen desa kad mungguh ring ilikita.

Pawos 19

- (1) Yan wenten sinalih tunggil krama utawi warga desa mamandung druwen desa patut katiwakin pamidanda manut pararem tur ngwaliang sakancan barang san kapandung.

- (2) Prade barang sane kapandung punika sinanggeh barang sane suci, patu pamidannia kawewehin antuk pamrayascita manut kabuatan sane kaputusan antuk pararem.
- (3) Prade wenten druwen desa utawi pura ical tur tan wenten krama sane ngangker ngambil, wenang kramane sami katiwakin padewasaksian.
- (4) Prade rikala ngamargiang padewasaksian wenten krama tan prasida rawuh, patu matur piuning ring prajuru. Prajuru patut niwakang panglokika ring awinan sane kapiuningang, tur salantur ipun ngutsahayang mangda tirta padewasaksian inucap prasidha katiwakang ring krama sane tan rawuh punika.

Palet 6

Sukerta Pamitegep

Kaping 1

Karang lan Tegal

Pawos 20

- (1) Sahananing karang desa muang tanah tegak paumahan, patut mangda wenten wates ipun sane pastika sanistan ipun antuk papagehan.
- (2) Karang utawi tanah paumahan sane masanding, mungguing wates ipun kapidabdabin sakadi ring sor
 - ha. Wates sisi kaler, sisi kangin utawi sane nepi ring rurung utawi margi kakaryanin tur kapiara antuk sang ngamong karang inucap;
 - na. Wates sisi kelod, sisi kaub sajawaning sane nepi ring rurung utawi margi kakaryanin olih sang ngenahin karang panyanding sane delodan utawi dauhan;
 - ca. Prade sangkaning pada lita, kangkat kawentenang pamargi sios ring kecap ring ajeng.

- (3) Prade wenten tegak karang paumahan sane kabebeng patut kausahayang mangda wenten pamedalnia ka rurung utawi ka margine sanistania apamaga sawatarane adepa malarapan antuk paras-paros sareng panyandingnia, utawi nunas tatimbang ring prajuru.

Pawos 21

- (1) Sapasira ugi tan kapatutang maraksana sakadi ring sor:
- ha. Ngalahlah tegal wiadin karang druwen anak siosan, sawawaning wenter panguwak saking sang nrebenang.
 - na. Ngalahlah margi, rurung, tegak banjar, tegak setra mwanng sakancan tegak sane kasinanggeh suci siosan
- (2) Sang mamurug kecap ring ajeng, prade wenten ngawicarayang, patut katiwakirin pamidanda luire:
- ha. Ngawaliang tanah sane kalahlah manut wates nyane rihin;
 - na. Pamidanda panguwak paswara manut pararem;
 - ca. Upacara panyangaskara, prade genah sane kalahlah punika marupa genah sane kasinanggeh suci.

Pawos 22

- (1) Sahanan warga Desa Pakraman Pelilit patut sayaga miara kabersihan pakarangan telajakannia, rauh ring margi utawi rurung manut tatiwak saking prajuru.
- (2) Sajeroning usaha ngrajegang kabersihan wawengkon Desa Pakraman Pelilit sowang-sowang pakarangan kaaptiang mangda:
- ha. Wenten blungbang genah mis utawi luhu.
 - na. Maduwe jempeng utawi kakus.
 - ca. Yan makarya kandang bawi sajeroning pakarangan, mangda ugi kajangkepin antuk waduk utawi blungbang genah kotoran ipun.

- ra. Tan makarya genah ngutang kotoran ring tepining margi utawi rurung.
- (3) Sang mamurug kecap ring ajeng, patut katiwakin pamidanda manut pararem.
 - (4) Krama wiadin warga desa sane madrebe tegal, kaaptiang mangda mastikayang padrebeannia antuk ilikita marupa sertifikat saking Guru Wisesa.

Kaping 2

Indik Kakayonan

Pawos 23

- (1) Sapasira ugi ngawit pacang nandur kakayonan tanem tuwuh sane pacang dados mageng sajeroning pakarangan, patut paembang tanem tuwuh inucap tan kirang ring adepa agung saking wates karang inucap.
- (2) Tanem tuwuh sane ngarebrebin utawi kasumangsayain pacang nyengkalen ka pisaga, wenang kawara madasar antuk paigum sane becik, mangda kakayonan punika gelis karebah utawi katebtebin.
- (3) Yan risampune kawara kadi ucaping ajeng sang nrebenang tan satinut utawi nenten nagingin pinunas sang ngawara, sang karebreban rumasa pacang kabhayanin kengin nyadokang ring prajuru desa.
- (4) Prajuru wenang mratyaksayang saha maweh panyepat pamutus harep ring sang madrebe kakayonan sane kawara, mangda kakayonan sane kawara digelis karebah utawi katebtebin. Prade piwal wenang sang madrebe tanem tuwuh inucap katiwakin pamidanda manut pararem.

Kaping 3

Indik Wawangunan

Pawos 24

- (1) Sapasira ugi tan kapatutang makarya wawangunan kantos nyapcap ka pisaga.

- (2) Wawangunan sane sampun wenten, sane kantun nyapcap ka pisaga mangd kautsahayang ngaryanang abangan sapatutnia.
- (3) Sapasira hugi tan tinut ring kecaping ajeng, risampune wenten pasadok ring prajuru wenang kaicen tatepasan kadasarin antuk paras-paros. Prade tatiwal saking prajuru taler tan katinutin kangkat wicara punika kaaturang ring sang rumawos tur sang mamurug awig-awig kakeninin pamidanda manut pararem.

Pawos 25

- (1) Wawangunan desa patut mangda kawangun ring tanah druwen desa sah kaprabeyanin olih krama desa.
- (2) Sapasira ugi pacang ngawangun umah utawi pakubon nyanding pura patu wenten paembangnia saking pura punika sanistan ipun 10 meter.
- (3) Sapasira ugi pacang makarya wawangunan suci makadi pura, gereja, mesjid lan sakancannia ring wawengkon Desa Pakraman Pelilit, patut sadurungnia polil lugraha saking Desa Pakraman mwang para yogya sane ngawiwenang.

Kaping 4

Indik Wawalungan

Pawos 26

- (1) Krama wiadin Warga desa sane miara wawalungan patut sayaga niteni wawalungannia makadi negul utawi nglogor, mangda tan jantos ngarusak karang pabianan, punapi malih jantos ngaletihin kahyangan.
- (2) Prade wenten wawalungan ngeleb, jantos ngrusak pabianan utawi pakarangan risampune nahen kaplunguhang taler tan katitenin kengin kataban tu kasadokang ring prajuru. Prajuru wenang niwakang pamidanda manut pararem mwang nawur prabeya sahananing sane karusak manut panglokika.

- (3) Prade wawalungan inucap jantos ngletehin genah suci, sajawaning pamidanda mwang karugian kadi munggah ring ayat (2) wenang taler kawewehin antuk pamidanda pangupakara kahyangan inucap manut kabuatan.

Pawos 27

- (1) Tan kadadosang ngangonang utawi negulang wawalungan ring margi, rurung, setra, pakarangan bale desa miwah telajakannia.
- (2) Sowang-sowang kulawarga tan kadadosang miara asu ring pakarangan lintangan ring asiki, saha asu punika patut kadagingin cihna marupa kalung.
- (3) Sapasira ugi tan kadadosang ngejuk utawi mademang sakancan paksi utawi buron sane kaayomin sajeroning Desa Pakraman Pelilit sadurung wenten lugraha saking Prajuru Desa.

Pawos 28

- (1) Tan kalugra ngalubar ayam ritatkala warga desa ngawit matatanduran utawi matajuk mawaneng 15 (limolas) rahina.
- (2) Sang madrebe tegal pabianan patut masadok ring sang madrebe ayam malubar ritatkala jagi ngawitin matanduran.
- (3) Prade risampun masadok, taler kantung wenten ayam malubar wenang sang madrebe pabianan ngejuk ayam inucap tur nyadokang ring prajuru desa. Prajuru patut niwakang panepas utawi pamidanda manut pararem.

Kaping 5

Indik Bhaya lan Dusta

Pawos 29

- (1) Sahananing laksana tan rahayu sane ngawinang pikobet, duhkita, duskerta ring jadma siosan kasinanggeh bhaya. Sang malaksana kabawos dusta.
- (2) Bacakan sane kabaos bhaya, luire:
 - ha. Jiwa bhaya : kaamuk, kabaak, lan kaparikosa.
 - na. Artha bhaya: kamalingan, kabegal.
 - ca. Geni bhaya: katunuan utawi puun.
 - ra. Toya bhaya: anyud katiben artus
 - ka. Bhayu bhaya: katiben linu.

Pawos 30

- (1) Warga desa sane katiben bhaya patut digelis matur supeksa ring prajuru utawi sang wenang mawosin.
- (2) Sang katiben bhaya utawi sang manggihin kawentenan bhaya kapatutang nyuwarayang kulkul manut wigunanna saha digelis matur supeksa ring prajuru mangda sang katiben bhaya gelis katulungan.
- (3) Sahanan warga desa patut savaga maweh pitulung saha makta piranti manut kawentenan bhaya inucap.

Pawos 31

- (1) Sang kamalingan prade pacang ngamargiang saserep utawi ngledah, patut nunas panguwak mwanng upasaksi ring prajuru.
- (2) Masaserep sios desa patut polih panguwak saking prajuru sane ngawidangin genahe masaserep.

- (3) Prajuru patut ngenter sang masaserep mangda tan jantos ngawetuang byota.

Pawos 32

- (1) Sahanan jadma sane malaksana dusta ngawinang bhaya, taler kangkat katur ring guru wisesa manut bobot kaiwanganna
- (2) Prade dusta ngawinang kaletahan genah sane kasinanggeh suci, wenang pamidandannia kawewehin antuk pamrayascita manut kabuatan.
- (3) Sang malaksana duracara ring agama, prade kacihnan manut Tri Pramana, patut katiwakin pamidanda manut pararem.
- (4) Yan wenten warga desa malaksana duskreti astha capala, pada capala, wak capala ring warga siosan yaning kawicarayang tur prasida kabuktiang, sang malaksana patut keni pamidanda manut pararem.
- (5) Prade laksana inucap nibenin warga sane kapasinggihang manut agama, patut pamidandannia kawewehin pamrayascita marep ring sang katiben manut kabuatan.
- (6) Prade ring sangkepan utawi ring pura wenten jadma nguman-uman wiadin kroda, patut katiwakin pamidanda saha pamrayascita manut pararem.
- (7) Prade wenten dusta saking dura desa, patut kaejuk tur katurang ring Guru Wisesa.

Kaping 6

Indik Panguyan Krama

Pawos 33

- (1) Rikala wenten krama desa ngawangun yadnya suka utawi duka, patut polih panyanggra utawi pangrombo saking krama desa manut pinunas sang mayadnya tur kapatutang olih prajuru desa

- (2) Panyambrama utawi pisuguh ring krama rikala mapitulung, kamargiang manut dresta.
- (3) Sajawaning pamargi panyanggra utawi pangunyan manut dresta, krama sane madrebe lalangan patut ngaturang tatangguran, santukan rumasa pinaka tangan sukuning desa.

CATURTAS SARGAH

SUKERTA TATA AGAMA

Palet 1

Indik Dewa Yadnya

Pawos 34

- (1) Pura-pura sane wenten ring Desa Pakraman Pelilit luire:
- ha. Pura Kahyangan Tiga, makadi Puseh, Dalem, Bale Agung utawi Pura Desa;
 - na. Pura-pura Mrajan utawi Pajenengan.
- (2) Pura Kahyangan Tiga kasungsong olih Desa Pakraman Pelilit, pura mrajan utawi pejenengan kasungsong olih pangemponnia sowang-sowang.
- (3) Piodalan ring pura-pura inucap kalaksanayang nyabran 6 sasih apisan utawi manut dresta sowang-sowang.

Pawos 35

- (1) Tata cara ngadegang pamangku, sakadi ring sor:
- ha. Dudonan wiwitan sang patut kasudi utawi kaselir:
 1. Kautamayang mawiwit saking keturunan pamangku sane rihinan;
 2. Malarapan antuk nyanjang utawi kacatri;
 3. Malarapan antuk sasudian krama.

na. Dudonan pacang ngadegang pamangku sakadi ring sor:

1. Kararemin olih warga,
2. Ngamargiang pawintenan kapuput antuk Ida Sang Sulinggih;
3. Ngupasaksiang raga utawi mapiuning ring pura saha pawintenan.

Prabea pawintenan mwanng upasaksi inucap kasanggira antuk krama san ngadegang.

(2) Riwus puput pawintenannia, sang kaadegang pamangku patut ngamargiang dharma kapamangkuan, tur patut kasinggihang olih warga desa manuwigunannia.

(3) Sane tan wenang kaadegang dados pamangku luire:

- ha. Jadma cedangga, utawi mabukti madrebe panyungkan sane ngalahlah;
- na. Jadma sane mabukti maparipolah tan becik manut pamutus paruman desa.

Pawos 36

Swadharmaning pemangku lwire:

- ha. Asewakadharmas, astiti bhakti ring Ida Bhatara Sasuhunan minakadi ring Ida Sanghyang Widhi Wasa;
- na. Ngenter sahananing pamargin upacara ring pura manut kawenangannia utawi ngenter upacara krama ring paumahan manut pinunas;
- ca. Nuntun krama lan warga desa mangda satata bhakti ring Ida Sanghyang Widhi tur malaksana susila manut agama.

Pawos 37

(1) Sahananing aturan utawi sasangi marupa artha, laluwasan mule-mule manut sakaluirnia patut kadruwe antuk pura mucap.

- (2) Sang pacang maturan, mapanahuran sakadi inucap ring ajeng patut masadok ring prajuru mangda kaungguhang ring ilikita sasampune kaastawayang olih pamangku.
- (3) Sakancan aturan ring ajeng wenang kaanggen ring pura manut tatujon.
- (4) Sahananing sarin canang ring Kahyangan Tiga patut kepah tiga, sowang-sowang bagi katiba ring pura inucap, pamangku muang Desa Adat.

Pawos 38

- (1) Pamangku kagentosin malarapan antuk:
 - ha. Seda;
 - na. Sangkaning pinunas jero mangku santukan lingsir, utawi sungkan rahat;
 - ca. Kawusanang olih krama riantukan malaksana dusta.
- (2) Prade jero mangku kawusanang sangkaning malaksana dusta patut pamangku inucap ngwaliang sahananing piranti kapamangkuan sane karaksa.
- (3) Prade jero mangku malih ngalap rabi sangkaning rahayu, patut pamangku inucap malih nyepuh raga tur katodya olih prajuru sahananing prabeyannia kamedalang olih pamangku inucap.
- (4) Yening jero mangku desa utawi pecak pamangku desa sane tan kanorayang seda, patut polih wantuan saking krama desa manut pararem.

Pawos 39

- (1) Kahyangan kasinanggeh kadurmanggalan, prade:
 - ha. Katiben panca bhaya;
 - na. Karubuhan taru, tangkid lan sapanunggilannia;
 - ca. Sander kilap;
 - ra. Kahanan simbar, lulut sakaluirnia;
 - ka. Kasiratan antuk rah tan pasangkan;

da. Kahanan wangken jadma utawi wangken sato ageng;

ta. Dados genah jadma masanggama

(2) Kasukertan Kahyangan kadi ring sor:

ha. Sahanan krama lan warga desa patut nureksa, nyaga, mangda kasukertan Kahyangan tan kaletahan.

na. Sane tan kalugra ngranjing ka pura luire

1. Sang kantun sebel ring raga manut jalarannia.
2. Sang kantun cuntaka sangkaning madrebe kulawarga seda, utawi rikala nyambutang pitra yadnya manut senger sane kamanggehang.
3. Jadma sane sinanggeh patita makadi: panak babinjat, beling tan wenten ngangkenin, tan kasinangaskara, jadma buduh, sakit ila, muang sakancan cendala siosan sadurung polih pamrayascita manut sastra agama.
4. Sato ageng sajawaning rikala mapepada.
5. Sang mabhusana tan manut ring tata susila ngranjing ka pura.
6. Sang makta saluiring barang sane kabaos leteh manut agama.
7. Saharan sane kabawos ngletihin manut pararem.

ca. Pratingkah sane tan kawenangang ring pura luire:

1. Masumpah utawi nahap cor, sajawaning saking pituduh prajuru.
2. Maulah ala, maujar ala wak parusya
3. Marebat, mayuda punapi malih jantos wenten ngamedalang rah.
4. Mecikang wastra, nyangsang bhusana, mecikang pusungan lan sapanunggilannia, sajaba Ida sang maraga sulinggih.
5. Mawarih, makoratan, macecepin anak alit.
6. Sirep masarengan lanang kalawan istri, pamekas sang sampun kasinanggeh deha truna

- (3) Yan mabukti wenten jadma malaksana ngaletihin sakadi kecap ring ajeng patut keni pamidanda manut pararem. Prade laksanakan kabaos banget ngaletihin makadi: mayuda jantos metu rah, masanggama, makta barang leteh, kahyangan inucap patut kaprayascita sapatutnia. Sang malaksana keni pamidanda lan prabea pamrayascita manut pararem.
- (4) Yaning wenten kahyangan desa keni kadurmanggalan, pamangku utawi sang manggihin patut digelis nyadokang ring prajuru mangda marumang krama pacang ngawentenang pangupakara sapatutnia.
- (5) Yen wenten jadma buduh jantos ngarusak pura, inggihang punika palinggih utawi sane siosan, kapatutannia patut mecikang sahanan sane karusak tur keni pamrayascita manut pararem.

Palet 2

Indik Resi Yadnya

Pawos 40

Indik Resi Yadnya ring Desa Pakraman Pelilit kamargiang manut kerta pamargin sastra agama mwanng dresta.

Palet 3

Indik Pitra Yadnya

Pawos 41

- (1) Sahananing upacara pamretekan sawa kabaos Pitra Yadnya.
- (2) Yan wenten warga utawi krama desa seda, kangkat ngambil pamargin sakadi ring sor:
ha. Kapendem manut dresta.

- na. Makingsan ring pretiwi utawi ring geni, prade pacang kaplebonang sadurung tutug tahunan.
- ca. Ngraris kaplebonang manut padewasan

Pawos 42

- (1) Gaguat mendem sawa sakadi ring sor
 - ha. Genah mendem utawi ngesene ugi mangda ring setra, yan rare ring setra bajangan.
 - na. Yan rare durung apupak sabe seda, wenang kapendem pramangkin tan ngawilang dewasa, nanging yan sampun lintang ring apupak patut nganutin padewasan.
- (2) Padewasan mendem kapidabdabin olih prajuru desa.
- (3) Tan kawenangang mendem sawa rikala rahina: Pasah, Purnama, Tilem, Semut Sadulur, Kala Gotongan mwang rerahinan siosan manut pararem.

Pawos 43

- (1) Prade wenten warga desa lampus rikala wenten wali ring sinalih tunggil paibon utawi mrajan sane wenten ring wawengkon Desa Pakraman Pelilit wawu kangkat kapendem riwus pujawaline puput kamargiang yadiastun durung panyineban.
- (2) Yan nuju piodalan utawi wenten karya ring Kahyangan Desa utawi Kahyangan Jagat sane wenten ring Nusa Penida wenten warga desa seda, kangkat makingsan ring pertiwi pramangkin, nanging pamargine sasiliban tur tan nganggen gagumuk. Pamrateka sapatuting pamendeman wenang kamargiang risampun pula-pali karyane puput tur manut padewasan.
- (3) Yan wenten warga desa seda rikala wenten yadnya ring kahyangan luaring Kecamatan Nusa Penida, pamargine mendem utawi mreteka sang lampus, kalaksanayang nganutin piteket sakong Pasisada utawi Guru Wisda.

Pawos 44

- (1) Krama utawi warga desa sane seda sangkaning salahpati, angulah pati lan sapanunggilannia ring luaring karang paumahannia, kengin kabakta budal, nanging patut kasanggara antuk banten pangulapan mwanng panebusan. Pamretkannia wantah apabersihan raris kakingsanang pramangkin. Risampune asasih pitung rahina kangkat kaprateka sapatuting pamendeman.
- (2) Tan kawenangang mendem sawa sane makta bobotan sadurung bobotannia kaembasang.
- (3) Yan wenten jadma padem tan kailingan ring wawengkon Desa Pakraman Pelilit patut kaaturang ring Guru Wisesa.
- (4) Yan wenten warga desa padem ring tegalan, patut sanghadhabe waris sang padem ngalaksanayang pamrayasana ring genah inu kawenang sadurung asasih pitung rahina.

Pawos 45

- (1) Swadharmaning krama lan prajuru dikala wenten kalayusek:
 - ha. Krama sane kaduhkitan
 1. Patut digelis masadok ring ketiban banjar, saha nunas tatimbang indik kawentenannia,
 2. Nunas pangrombo ring krama banjar, manut kabuatan,
 3. Ngaturang panyambrama pisuguh sakasidan majeng ring krama sane rauh ngrombo karya manut dresta.
 - na. Prajuru desa sasampune poho pasadok, patut:
 1. Maritatas tatujon pamargin sang kaduhkitan,
 2. Nyuarayang kulkul manut tatujon, raris ngenter pamargin krama sajeroning ngremba karya wiadin pamargin patus manut dresta.

ca. Krama desa patut:

1. Ngrombo sang kaduhkitan sapatutnia manut dresta.
 2. Maweh patus saha ayah-ayah manut pidabdab sane sampun kararemin.
- (2) Rikala nyandang utawi nanggung sawa, wadah mwang upakara sane siyosan, pamargine ka setra patut mangda dabdab tan kadadosang magarap-garapan jantos ngawinang pikobet sang madruwe karya
- (3) Rikala nyanggra upacara krama sane seda pacang kapendem, krama banjar wiadin desa patut mangda nganggen bhusana adat madya. Yan rikalaning atiwa-tiwa utawi ngaben patut nganggen bhusana adat jangkep tur tan kapatutang mabungah-bungahan, nanging sang nanggung wadah mwang patulangan kadadosang nganggen bhusana adat madya.

Pawos 46

- (1) Sang kasinanggeh kahanan cuntaka luire:
- ha. Sang kalayusekaran utawi kapademan;
 - na. Sang nyambutang karya Pitra Yadnya, ngawit nanceb tatarang.
- (2) Sengker sebel wiadin cuntaka manut jalarannia sakadi ring sor:
- ha. Ngaraja sewala jantos wusan ngamedalang rah, tur mersihin raga;
 - na. Ngembasang oka, sane istri 42 rahina, sane lanang 12 rahina;
 - ca. Karuron, kulawargannia sapakarangan jantos 42 rahina, nanging kulawarga warisnia sios pakarangan wantah 3 rahina;
 - ra. Sangkaning kalayusekaran, sang ngarepin jantos puput ngatelunin (nigang rahinin), cuntakan babanjaran wantah 3 rahina;
 - ka. Yening sane seda anak alit durung kepus pungsed, kulawargannia sapakarangan manggeh cuntaka jantos 42 rahina, cuntakan babanjaran wantah 3 rahina.

- (3) Prade wenten krama wiadin warga desa padem rikala sampun nyambutang karya utawi yadnya ring Kahyangan Tiga, sane wenang nyuntakayang wantah sang ngarepin sareng pangapitnia kemawon.
- (4) Sane kamanggehang tan keneng cuntaka luire:
- ha. Ida sang sulinggih.
 - na. Pamangku Kahyangan Desa manut sasana kapamangkuan.

Pawos 47

Indik pamargin atiwa-tiwa pangabenan, Desa Pakraman Pelilit ngamanggehang uger-uger sakadi ring sor:

- ha. Nyabran ²dasa warsa rikalaning rah windu Desa Pakraman Pelilit ngamargiang pangabenan masa, patut kasarengin antuk krama desane sami.
- na. Ngawit dasih Katiga ring warsa sadurungnia tan kapatutang ngamargiang pangabenan ndiri, sajaba malebonang pamangku sane seda. Prade wenten warga seda, patut kapendem utawi kageseng manut kecap sastra agama, mangda kangkat kaabenang rikalaning ngaben masa. Sang mamurug wenang katiwakin pamidanda panguwak paswara tur tan kawenangang nuduk patus.
- ca. Sawa sane wenang kaabenang wantah sawan sang sampun nahen maketus untu. Yan durung ketus untu, pamratekannia manut linging sastragama.
- ra. Krama sane pacang ngamargiang atiwa-atiwa ugi mangda nuduk patus manut dresta, sajaba sang keni pamidanda manut kecap aksara na ring ajeng.

Pawos 48

- (1) Ayah-ayahan utawi pakaryan patus rikala atiwa-tiwa luire:
- ha. Ngarosikin utawi ngabas margi rauh ka setra.
 - na. Makarya rerompok.

- ca. Makarya pasanggrahan utawi bale pawedaan.
- ra. Ngaryanin wadah muang eteh-ete siosan.
- ka. Ngrombo karya jantos puput.
- da. Karya siosan manut paigum lan pangenter prajuru.

Pawos 49

- (1) Krama sane pacang nampi patempung ngabenang sawa saking desa siyosan patut masadok dumun ring prajuru sadurung ngawit ngambilang karya.
- (2) Prade patempung inucap kalugra olih prajuru, sang matempung kapatutang nawur pakenan-kenan ka Desa Iwiripun panukun setra, pananjung batu, ^{di SD. SDU} mwang pangungkab lawang akehnia manut pararem.
- (3) Sahananing aturan ring pura sane mawiwit saking pangungkab lawang, panukun setra, pananjung batu, panebas atma, manggeh dados druwen desa tur patut kaunggahang ring ilikita.
- (4) Pamangu ring Pura Dalem patut polih pah-pahan aturan inucap manut pararem.

Palet 4

Indik Manusa Yadnya

Pawos 50

- (1) Manusa Yadnya inggih punika upacara dharmaning manusa saking patemoning kama bang kalawan kama petak sajeroning garbhawasaning ibu jantos lampus.
- (2) Upacara inucap kamargiang manut kecap sastra agama mwang dresta, simacara sane kamanggehang ring sowang-sowang pakulawargan.

Palet 5

Indik Bhuta Yadnya

Pawos 51

- (1) Bhuta Yadnya inggih punika sahanan upacara pabeyakalaan ring perthiwi, kahyangan, mwang ring sarwa bhuta kala
- (2) Upacara – upacara pabeyakalan ring sarwa prani luire:
 - ha. Ring sarwa tumuwuh, nemonin Tumpek Wariga.
 - na. Ring sarwa prani utawi ingon-ingon, nemonin rahina Tumpek Uye.
- (3) Upacara pabeyakalaan ring perthiwi, kahyangan lan sarwa bhutakala kabawos caru mwang tawur sakancannia.
- (4) Sajaba upacara Bhuta Yadnya kadi kecap ring ajeng, taler kamargiang upacara pabeyakalaan ring manusa manut wighunannia.

Pawos 52

- (1) Rikala tileming sasih Kasanga, ring wawidangan Desa Pakraman Pelilit taler kamargiang Bhuta Yadnya pacaruan kadi ring sor
 - ha. Ring pempatan desa caru Manca Sata
 - na. Ring pura-pura Desa manut dresta kamargiang caru Eka Sata.
 - ca. Ring sowang-sowang paumahan utawi pakarangan upakarannia segehan manca warna 9 tanding, olahan daging ayam brumbun sane katunas ring sowang-sowang banjar, segehan agung atanding maulam jejeroan bawi mentah lan patabuh.
- (2) Sorennia kamargiang Pangarupukan pabuu-buu, kapidabdabin olih. prajuru, ngawit sandikawon tan kengin lintang ring tengah wengi.
- (3) Benjangnia kamargiang catur brata panyepian luih ipun:
 - ha. Amati geni, tan dados nguripang geni

- na. Amati karya, tan dados mambilan pakaryan.
 - ca. Amati lelungan, tan dados malalungayan
 - ra. Amati lalangan, tan dados maramen-ramen maliang-liang.
- (4) Pamargin catur bratane katuntun olih prajuru manut desa kala patra, tur ngawit
brata inucap kacihnayang antuk suaran kulkul

PANCAMA SARGAH

SUKERTA TATA PAWONGAN

Palet 1

Indik Pawiwahan

Pawos 53

- (1) Pawiwahan inggih punika patemoning purusa lan pradana malarapan panunggalan kahyun sukacita kadulurin antuk upasaksi sakala lan niskala.
- (2) Pamargin pawiwahan sane kapatutang ring Desa Pakraman Pelilit luire:
 - ha. Papadikan, kadasarin antuk kahyun sukacita mwang paigum kulawargan sang lanang mwang kulawargan sang wadon, mawiwit saking pakarsan sang purusa;
 - na. Marangkat utawi Ngarorod, madasar antuk kahyun sukacita sang kalih lanang istri tur pamarginnia sasiliban;
 - ca. Nyeburin utawi ñentana, pamarginnia pateh ring papadikan, nanging pamarginnia mawiwit saking pakarsan sang wadhon sane pacang kaadegang purusa.
- (3) Sahananing pamargi pawiwahan kocaping ajeng patut mangda nganutin Awig-awig Desa Pakraman Pelilit mwang Undang-undang Perkawinan Tahun 1974, saha kasaksinin olih Prajuru Desa miwah panodya saking Guru Wisesa.

- (4) Sowang-sowang pawiwahan kadi kocaping ajeng risampune sami adung pawirasan kulawarga sang lanang sareng sang wadhon wenang kacihnayang antuk swaran kulkul manut dresta.

Pawos 54

Gagwat-gagwat sane patut katinutin olih sang pacang ngamargiang pawiwahan makadin ipun:

- ha. Sang ngamargiang pasedek utawi pajati tan dados kirang ring kalih diri tur tan kasepan ring awengi saha nganggen busana adat;
- na. Prade pamargin rangkate kasumangsayain, kulawargan sang wadhon kawenangang ngamargiang panegdeg utawi panetes, nanging patut kasaksinin utawi kasarengin antuk Prajuru Desa miwah para yogya saking Guru Wisesa.
- ca. Prade pamargin rangkate macihna tan sangkaning pada suka, wenang rangkat punika kapalasan tur sang lanang katiwakin pamidanda manut pararem utawi katur ring Guru Wisesa.

Pawos 55

- (1) Yan wenten warga Desa Pakraman Pelilit ngarangkatang anak istri saking dura desa, patut matur supeksa ring Prajuru Desa
- (2) Yan wenten warga desa ngambil anak istri sane magama siyos, sadurung ngamargiang upacara pasakapan patut kamanggala antuk upacara Sudhi Wadhani manut tuntunan saking Parisadha
- (3) Warga Desa Pakraman Pelilit sane nampi rangkat saking dura desa hugi mangda pramangkin matur supeksa ring prajuru desa miwang ring Guru Wisesa.

- (4) Prade wenten pangetut rangkat saking dura desa rawuh ka Desa Pakraman Pelilit, patut nunas lugraha rihin ring Prajuru Desa Pakraman Pelilit mwaning ring Guru Wisesa maduluran ilikita saking Guru Wisesa ring desannyane sane nyinahang tatujon pangrawuhnia. Prajuru Desa Pakraman Pelilit patut nyarengin pamargin pangetut punika ka genah rangkat sane kadegdeg.

Pawos 56

- (1) Tan kadadosang ngarangkatang utawi ngambil papernahan sane ngawinang gamia gamana, makadi:

ha. Pianak temen, pianak dianyama, pianak kawalon lan pianak paperasan;

na. Semeton sodet, semeton kawalon, semeton diacambra;

ca. Meme temen, tumin, rerama dianyama

Prade wenten mamurug, wenang rangkat punika kapalasang tur sang purusa patut ngamargiang pangarerebuan utawi pamrayascita ring pakarangan genah rangkat punika.

- (2) Yan wenten warga Desa Pakraman Pelilit angrabini wong arabi utawi mamitra sareng anak istri sane kantun madrebe rabi, prade wenten tumon utawi ngawicarayang wenang sang lanang keni pamidanda manut pararem tur wirang anake istri patut ngaturang wicarannia ring Guru Wisesa. Prade wirang istrine tan tinut, wenang keni pamidanda manut pararem.

- (3) Yan wenten warga desa malaksana mamitra ngalang sakadi anak makurenan, prajuru desa patut mawosin tur ngicen tatepasan sakadi ring sor:

ha. Prade sang kalih sami-sami durung madrebe rabi, patut karangkatang pramangkin. Yan tan prasida karangkatang, wenang wicarannia kaaturang ring Guru Wisesa. Prade pamutus saking Guru Wisesa pateh ring pamutus

saking Prajuru Desa tur katampi olih sang lanang, wenang sang lanang

katiwakin pamidanda manut pararem.

- na. Prade sang lanang sampun madrebe rabi, patut pamargin mamitra ngalang punika kapalasang tur katiwakin pamidanda manut pararem. (100 kg)

Pawos 57

Prade wenten anak istri deha mobot sadurung alaki rabi, patut kapidabdabin sakadi ring sor:

ha. Yan sang lanang ngangken madrebe pakardine tur kantung teruna, patut kautsahayang mangda prasidha mawiwaha. Prade sang lanang tan suka ngambil sang mobot, patut sang lanang katiwakin pamidanda manut pararem, tur wicarannia katurang ring Guru Wisesa. Renannia kaprateka olih sang istri.

na. Yan sang lanang sampun alaki rabi sane ngangken madrebe pakardine tur sumanggup pacang ngambil sang mobot, patut ninutin sulur manut Undang-Undang Perkawinan.

ca. Prade anake istri paling pangangkene tur matujuhang anak lanang sane kasenengin, nanging sang lanang sane kadalih tan ngangkenin indike punika, wenang sang kalih katiwakin padewasaksian, pamarginnia sakadi ring sor:

1. Yaning sang lanang madewa saksi nyinahang yukti tan madrebe pakardine, sang istri keni prabeya padewasaksian mwanng pamidanda manut pararem. Rarene katiba ring sang istri.

2. Yan sang istri sane madewasaksi sang lanang patut ngambil sang mobot saha ngangkenin saprabeyaning padewasaksian. Rarene kapira antuk sang kalih pinaka yayah renannia

- ra. Prade anake istri mobot nduapaksa pangangkene mawastu tan wenten anak lanang sane kayun ngambil, wenang anake istri punika katiwakin pamidanda manut pararem saha pamarisudha manut kecap sastra agama.

Pawos 58

Yan wenten krama desa kicalan oka istri, kawenangang ngamargiang pasaserep, kapidabdabin sakadi ring sor:

- ha. Sang pacang masaserep patut masadoh rihin tur nunas upasaksi mwang panuntun ring prajuru desa;
- na. Rikala ngaranjing ka paumahan genahe masaserep tan kadadosang langkungan ring kalih diri, tur tan kapatutang makta gagawan/sanjata mwang mabawos lan malaksana tan patut.
- ca. Rikala netes anake istri tan kapatutang anak siyosan nganampekin mawaneng sawatara tigang depa mangda anake istri tan kemad wyadin ajerih nguningayang painedikannia ring sang maritatas.
- ra. Risampune pratyaksa ring pangangkene anake istri, Prajuru Desa wenang niwakang panepas sakadi ring sor:
 - 1. Yan pada suka sang ngarorod, sang masaserep patut katulukang;
 - 2. Yan sangkaning kapaksa, patut rangkat punika kapalasang sang lanang katiwakin pamidanda manut pararem, utawi katurang ring Guru Wisesa.
- ka. Yan masaserep ka desa siyosan, patut polih lugraha saking prajuru genahe masaserep.

Pawos 59

Sahananing krama sane sampun alaki rabi yan wenten kahyun pacang marabian malih sareng anak siyosan patut nganutin sulur pamargi sakadi ring sor:

- ha. Muputang rihin pidabdabnia nyapihan sareng rabina rihinan, prade sampun tan prasida adung malih;
- na. Nganutin sulur Undang-undang Perkawinan, prade rabinne maka kalih sumanggup pacang mamadu;
- ca. Ngamargiang pidabdab pawiwahan manut Pawos 53.

Palet 2

Indik Nyapihan

Pawos 60

(1) Pawiwahan kabawos palas marabian sakadi ring sor:

- ha. Sinalih tunggil ninggal lampus. Sang kantung mahurip kabawos balu;
- na. Palas malarapan antuk wicara, sowang-sowang kabawos nyapihan.

(2) Pamargi nyapian kasinanggeh pastika risampune:

- ha. Molihang kaputusan saking Pengadilan.
- na. Kadambyakang olih prajuru sajeroning paruman utawi sangkepan krama desa.

Pawos 61

Krama sane nyapian kapidabdabin sakadi ring sor:

- ha. Nawur prabeya ring paruman, akéhnia manut pararem;
- na. Polih pah-pahan pagunakayan
- ca. Pabekelan mawali ndiri-ndiri;
- ra. Warisan kakuasayang olih sang purusa

ka. Patut maweh pangupajiwa mwanng kaweruhan ring sentanannia sane wetu saking parabiannia.

Pawos 62

Prade riwekas sang nyapian macihna adung malih tur makahyun pacang mawali alaki rabi kadi dumun, patut sang asapunika katiwakin pamargi sakadi ring sor:

- ha. Malih ngalaksanayang pawiwahan manut Pawos 54 lan 55 ring ajeng;
- na. Nawur pamidanda saha upacara pamrayascita manut pararem.

Pawos 63

(1) Balu luh saha katinggal lampus olih suaminnia, utawi balu sane pecak nyeburin, patut ngamargiang swadharmaning balu sakadi ring sor:

- ha. Ngamargiang patibrata, tan paradara utawi dratikrama.
- na. Ngaraksa, miara lan ngawigunayang sahananing warisan, tan kadadosang ngadol, makedihang utawi ngesahang, sajaba polih lugraha saking kulawarga kapurusa saking rabinniane.

(2) Balu sane kabawos tan pageh ring swadharmaning balu luire:

- ha. Matingkah dratikrama, paradara lan sapanunggilannia.
- na. Matilar tan pasadok jantos langkung ring 6 sasih.
- ca. Lempas ring swadharmaning balu.

(3) Balu sane tan pageh ring swadharmaning balu kadi kocap ring ajeng, prade kacihnan manut Tri Pramana (bukti, ilikita, saksi) salah prawertine, wenang katundung olih kulawargan lanange.

Palet 3

Indik Sentana

Pawos 64

- (1) Sentana kabhinayang dados kalih pawos, mire
ha. Pretisentana teges ipun sentana sane wetu saking pawiwahan sane patut.
na. Sentata paperasan, teges ipun sentana sane kamolihang malarapan antuk
ngedih utawi meras kacihnayang antuk arta brana mwang upacara
pamerasan, tur upasaksi sakala niskala.
- (2) Yan wenten krama desa madrebe pianak lanang adiri tan kalugra makedihang
pianaknyane kaperas olih kulawarga siyos dwaning pamargi punika kasinanggeh
mawasana ngencak patus.

Pawos 65

- (1) Sang pacang ngadegang sentana patut masadok ring prajuru asasih sadurungnia,
tur patut ngawentenang pasadu arep ring kulawarga warisnia.
- (2) Bendesa Adat patut digelis nambyakang ring krama sajeroning paruman indik
rencanan sang pacang meras sentana
- (3) Yan wenten kaberatan mangda digelis nyadokang ring prajuru masenger tigang
wuku sadurung pamerasan kamargiang
- (4) Bendesa Adat digelis mawosin saha ngicen panuntun utawi panepas manut catur
dresta mwah awig-awig lan pararem desa
- (5) Prade pidabdabe pacang meras tan kapralang, upacara pamerasan prasida
kalaksanayang
- (6) Prade wenten ngalangin manut juru kecaping ajeng, prajuru wenang
ngandegang sang pacang meras, sane maweh panuntun mangda kawentenang
babawosan sesamania

- (7) Ngadegang sentana patut macihna antuk arthabrana paperasan saha kasaksiang antuk prajuru, warga lan waris tur kamanggehang ring ilikita olih prajuru.

Pawos 66

Pamerasan patut kamargiang sakadi ring sor:

- ha. Sane patut kaperas kaanggen sentana, kapertama waris kapurusa, yan tan wenten kengin saking waden tunggal sanggah, yan taler tan wenten kengin sakama-kama utawi sakita khyun
- na. Upacara pamerasan patut kasaksinin antuk prajuru saha kapuputang antuk sulinggih.
- ca. Sasampun upacara pamerasan puput, prajuru desa patut nambyakang sajeroning paruman.

Pawos 67

- (1) Swadharmaning sang meras sentana patch sakadi swadharmaning guru rupaka, luire:
 - ha. Maweh pangupajiwa;
 - na. Pangupakara manut agama;
 - ca. Ngupadi karahajengan manut patitis grehasta lan sapanunggilannia.
- (2) Swadharmaning sang kaadegang sentana patch sakadi swadharmaning pretisentana.
- (3) Sang rumasa tan polih pamargi kadi kecaping Ayat (1) lan (2), patut digelis masadok ring prajuru, tur yan prasida kabuktiang sang malaksana keni pamidanda manut pararem.

Pawos 68

- (1) Sapasira ugi pacang ngerobang utawi ngajak jadm saking kulawarga siosan patut masadok rihin ring prajuru.
- (2) Krama sane ngajak utawi ngerobang patut sumakuta negenang saporilampah sang karobang arepe ring sukertan desa pakraman.
- (3) Prajuru patut ngungguhang pasadok inucap ring ilikita saha nambyakang sajeroning paruman desa.

Palet 4

Indik Warisan

Pawos 69

- (1) Warisan inggih punika sahananing artabrana saha ayah-ayahan sajeroning ngupadi sukerta sakala niskala saking kaluhurania arep ring katurunannia.
- (2) Sane kasinanggeh warisan lwire.
 - ha. Druwe tengah turun-tumurun saking kaluhurannia, artha brana, sanggah pamerajan, tanah ayahan, pusaka lan sapanunggilannia.
 - na. Pagunakaya.
 - ca. Hutang piutang.
- (3) Wawu kengin kabawos warisan prade wenten:
 - ha. Sang mapiturun sane kabawos pawaris.
 - na. Katurunannia kabawos ahli waris.
 - ca. Artabrana miwah tategenan lan ayah-ayahan kabawos warisan.

Pawos 70

- (1) Ahli waris luire:
 - ha. Pratisentana purusa,

- na. Pratisentana wadon sane kamanggahang sentana rajeg.
- ca. Sentana paperasan
- (2) Prade tan wenten sakadi kaucap ring ajeng, sane kasinanggeh ahli waris
 - ha. Papernahan kapurusa ngunggahang makadi rarama, pekak, rerama dimindon lan salanturnyane
 - na. Papernahan ka samping, makadi misan, mindon lan salanturnyane.

Pawos 71

Swadharmaning ahli waris sakadi ring sor:

- ha. Ngamargiang sahanan ayah-ayahan pawaris.
- na. Ngutsahayang artha brana warisan
- ca. Ngempon kahyangan, merajan lan pura tatinggalan pawaris saha ngupakari manut dresta.
- ra. Ngalaksanayang sahanan Pitra Yadnya leluhur.
- ka. Muputang utang piutang pawaris.

Pawos 72

- (1) Warisan wawu dados kepah olih para ahli waris risampung:
 - ha. Muputang Pitra Yadnyan pawaris
 - na. Nahurin saluir utang pawaris
 - ca. Nyeledihi sahanan ayah-ayahan pawaris
- (2) Prade sajeroning pakulawargan wenten pedum waris patut:
 - ha. Kawentenang paigum indik pedum waris inucap.
 - na. Yan tan prasida igum, patut katunasang tatimbang ring prajuru desa.

- ca. Prade taler tan wenten cumpu ring tatimbang prajuru desa wenang katunasang ring Guru Wisesa.
- (3) Sane tan polih pahpahan warisan lwire:
- ha. Santana sane alpaka Guru Rupaka.
- na. Sentana sane sampun nilar agama Hindu.
- ca. Sentana lanang sampun kesah mawiwaha nyeburin.
- (4) Sane kapatut polih pah-pahan pamupon warisan luire:
- ha. Sang mulih deha, mulih teruna nantukan duk pawiwahannia kaucap ninggal kadaton, deha tuwa.
- na. Balu luh sane kantung ngamanggehang swadharmaning balu.
- (5) Pawaris duk kantua maurip kengin mapaweweh marep ring okannia istri sane pacang kesah mawiwaha marupa
- ha. Jiwadana utawi pabekel tetadtadan
- na. Paweweh padgatakala.
- ca. Paweweh warisan siosan yan sampun wenten manah adung ring ahli waris sane wenten.

SADTHAS SARGAH

WICARA LAN PAMIDANDA

Palet 1

Indik Wicara

Pawos 73

- (1) Sane wenang mawosin mutusang wicara ring Desa Pakraman Pelilit inggih punika prajuru desa utawi Kerta Desa
- (2) Prade wenten tan prasida ngamolihang pamutus ring Desa Pakraman, sang mawicara kengin nunas pamutus ring sang rumawos utawi Guru Wisesa.

Pawos 74

- (1) Sahananing wicara sane mawiwit saking laksana corah sane kasinanang nungkas ring awig-awig utawi pararem. patut digelis kabaosin olih Prajuru ta nyantos pasadok.
- (2) Sajawaning wicara kadi kecaping ring ajeng, prajuru wenang maosin risampura wenten pasadok saking sang nunas bawos.
- (3) Panepas saking prajuru patut pastika nyantenang iwang patut malarapan antuk Tri Pramana, luire: saksi, ilikita, lan bhukti, tur taler tan maren nepek ring Catur Dresta, makadi: sastra dresta, purwa dresta, loka dresta muang desa dresta.

Palet 2

Indik Pamidanda

Pawos 75

- (1) Desa wenang niwakang pamidanda majeng ring warga desa utawi banjar sane sisip.
- (2) Patatiwak pamidanda inucap kamargiang olih Bendesa Adat.
- (3) Bacakan pamidanda, lwire:
 - ha. Ayahana panukun kasisipan.
 - na. Danda arta marupa dedosan saha panikelnia miwah panikel urunan-urunan sane siosan.
 - ca. Rerampagan.
 - ra. Kadaut tanah ayahanna.
 - ka. Pamidanda siosan manut pararem.
- (4) Agung alit pamidanda sane katiwakang manut panglokika kasisipannia.
- (5) Sahanan jinah utawi artha brana pamidanda, patut karanjingang dados druwen desa utawi banjar sane ngawidanan.

Pawos 76

- (1) Yan wenten sinalih tunggil krama langkung ring tigang paruman utawi tigang sangkepan mamandal tan nahur paturunan utawi dedosan, wenang karampag.
- (2) Tata cara nglaksanayang pangrampagan manut kadi ring sor:
 - ha. Sang karampag patut nyerahang barang utawi tapem tuwuh pinaka krama sajeroning sangkepan krama manut katah utangnia ring desa;
 - na. Prajuru Desa niwakang waneng kantah punika patut katebas tan lintang ring asangkepan utawi asasih,
 - ca. Prade risampune tutug waneng kantah punika tan katebas, prajuru weneh ngalelang kantah sane kaserahang
 - ra. Jinah lelangan punika kapucukang kaanggen nawurin utang sang karampag miwang prabeya palelangan barang kantahnia, sisannia patut kawaliang ring sang karampag.
- (3) Tan kawenangang ngrampag barang sane kainggilang manut agama miwah san mademang pangupajiwana sang karampag.
- (4) Pamidanda kadi ring ajeng pastika purna buntas, yening sang sisip sampun:
 - ha. Nunas geng sinampura ring krama sajeroning paruman, riantukan purna nguak pasubhaya
 - na. Naur pamidanda panguak pasuara duk pacang karampag.

SAPTAMAS SARGAH

NGUWAH-NGUWUHIN AWIG-AWIG

Pawos 77

- (1) Nguwah-nguwuhin awig-awig punika kalaksanayang antuk paruman krama Desa Pakraman Pelilit
- (2) Paruman inucap patut kadasar antuk gilik saguluk paigum pararem krama banjar.

Awig-awig Desa Pakraman Pelilit, 44.

- (3) Pamutus babawosan prasida kamanggehang yaning sampun madasar antuk silik saguluk, utawi madasar antuk pawilangan suara prade tan sida gilik-sag
- (4) Prade pamutuse madasar antuk wilangan suara, gaguatnia patut sakadi ring ha. Katah krama sane parum kalih pah tiga saking pigungan desane sami na. Pawilangan suara sane nganutin satenga langkung adiri saking katah k sane parum.

Pawos 78

Rencana paruman indik pacang nguwah-nguwuhin awig-awig kadi ajeng, ke kamedalang antuk Bendesa Adat. Kelian Banjar utawi saking krama ndiri-ndiri.

ASTAMAS SARGAH

SAMAPTA

Pawos 79

- (1) Awig-awig puniki kawastanin Awig-awig Desa Pakraman Pelilit.
- (2) Awig-awig puniki manggeh kalaksanayang ring wawidangan Desa Pakraman Pelilit.
- (3) Awig-awig puniki kamargiang ngawit saking kararemin antuk Desa Pakraman Pelilit.
- (4) Awig-awig nganinin sahananing warga lan krama desa, miwah sakaluring sakuwub antuk Desa Pakraman Pelilit.

Pawos 80

- (1) Sakaluring pamargi sane wenten sadurungnia patut kaanutang ring sadawig-awig puniki
- (2) Pamargin pakraman sane durung kabaos sajeroning awig-awig puniki, mankalaksanayang manut tata cara sane sampun ketah mamargi sadaluran a pararem desa.



Pawos 81

- (1) Awig-awig puniki kararemin sajeroning paruman krama Desa Pakraman P duk rahina Buda Kliwon Gumbreg, titi panglong ping 5 sasih Kasa, Isaka tanggal Maschi 7 Juli 2004
- (2) Awig-awig puniki kalinugatanganin olih Prajuru Pakraman Pelilit, kasaksimn olih para manggala praja dinas makadi Kepala Dusun, Kepala Pakraman Pelilit, Camat Nuse Penida pamekas Bupati Klungkung i murdhaning pamikukuh
- (3) Lwir sang ngalinggatanganin
ha. Prajuru Desa Pakraman Pelilit



BENDESA ADAT PELILIT

I WAYAN NATIH, S.P.D.


PENYARIKAN DESA PELILIT

I WAYAN JASMAWAN

Awig-awig Desa Pakraman Pelilit, 46.

na. Para Manggala Praja Dinas pinaka saksi:

1. KEPALA DUSUN PELILIT,



I WAYAN SETEL

2. KEPALA DESA PAKRAMAN PELILIT



I PUTU ARDANA

3. CAMAT NUSA PENIDA,



I WAYAN SUMARTA, S. Sos.

ka. Bupati Klungkung maka murdaning pamikukuh.


Sampun kailikitayang ring Kantor Bupati Klungkung:

Reg. Nomor : 189/04/HO/2005.

Tanggal : 24 JUNI 2005.

MENGETAHUI

BUPATI KLUNGKUNG



I WAYAN CANDRA